



Broj: 04-16-4-3770-2820  
Sarajevo, 29.07.2020. godine

Na osnovu člana 61. stav (1) i (2) Zakona o upravi („Službeni glasnik BiH“, broj 32/02, 102/09 i 72/17), člana 64. stav (1) tačka b) i člana 70. stav (1), (2), (3), Zakona o javnim nabavkama BiH („Službeni glasnik BiH“ broj 39/14), ministar sigurnosti Bosne i Hercegovine, donosi:

**ODLUKU**  
**O IZBORU NAJPOVOLJNIJEG PONUĐAČA**  
**“Nabavka kancelarijskog i kompjuterskog materijala”**

**Član 1.**

Na osnovu Odluke o pokretanju postupka javne nabavke “Nabavka kancelarijskog i kompjuterskog materijala” broj: 04-16-4-3770/20 pd 24.04.2020. godine za potrebe Ministarstva sigurnosti BiH putem Konkurentskog zahtjeva za dostavu ponuda sa objavom na Portalu javnih nabavki, broj obavještenja: 268-7-1-17-3-12/20, ponude su dostavili:

1. “DEFTER” d.o.o. Sarajevo – ukupna cijena bez PDV-a: 34.717,94 KM;
2. “ELKOM” d.o.o. Vitez - ukupna cijena bez PDV-a: 35.072,46 KM;
3. “PRIMAPROM” d.o.o. Banja Luka - ukupna cijena bez PDV-a: 46.989,77 KM;
4. “PLANPLUS” d.o.o. Zenica - ukupna cijena bez PDV-a: 33.116,66 KM;

Nakon izvršenog pregleda i ocjene tehničke ispravnosti ponuda utvrđeno je:

- 1.“DEFTER” d.o.o. Sarajevo: ponuda tehnički nezadovoljavajuća
- 2.“ELKOM” d.o.o. Vitez: ponuda tehnički zadovoljavajuća
- 3.“PRIMAPROM” d.o.o. Banja Luka: ponuda tehnički zadovoljavajuća
- 4.“PLANPLUS” d.o.o. Zenica: ponuda tehnički nezadovoljavajuća

**Član 2.**

Prihvata se preporuka Komisije broj: 04-16-4-3770-27/20 od 24.07.2020. godine, da su se stekli uslovi za odabir najpovoljnije ponude, na osnovu propisanog kriterija za izbor najpovoljnijeg ponuđača (najniža ukupna cijena tehnički zadovoljavajuće ponude) i da se postupak dodjele Okvirnog sporazuma, na period od 12 (dvanaest) mjeseci od dana njegovog potpisivanja, nastavi sa najpovoljnijim ponuđačem:

**“ELKOM” d.o.o. Vitez - ukupna cijena bez PDV-a: 34.994,00 KM**

### Član 3.

Prijedlog Okvirnog sporazuma za „Nabavku kancelarijskog i kompjuterskog materijala” dostavit će se na potpis izabranom ponuđaču - “ELKOM” d.o.o. Vitez po isteku roka od 15 (petnaest) dana, računajući od dana kad su svi ponuđači obavješteni o izboru najpovoljnije ponude.

### Član 4.

Zadužuje se Sektor za pravne, kadrovske, opšte i finansijsko materijalne poslove za realizaciju ove Odluke. Ova odluka će se objaviti na web stranici Ministarstva sigurnosti BiH ([www.msb.gov.ba](http://www.msb.gov.ba)).

### Član 5.

Odluka stupa na snagu danom donošenja i dostaviće se svim ponuđačima koji su učestvovali u postupku u skladu sa članom 71. stav (2) ZJN.

### Obrazloženje

Na osnovu Odluke o pokretanju postupka broj: 04-16-4-3770/20 od 24.04.2020. godine, za „Nabavku kancelarijskog i kompjuterskog materijala” za potrebe Ministarstva sigurnosti BiH putem Konkurentskog zahtjeva za dostavu ponuda, ponude su dostavili sljedeći ponuđači:

1. “DEFTER” d.o.o. Sarajevo – ukupna cijena bez PDV-a: 34.717,94 KM;
2. “ELKOM” d.o.o. Vitez - ukupna cijena bez PDV-a: 35.072,46 KM;
3. “PRIMAPROM” d.o.o. Banja Luka - ukupna cijena bez PDV-a: 46.989,77 KM;
4. “PLANPLUS” d.o.o. Zenica - ukupna cijena bez PDV-a: 33.116,66 KM;

Nakon pregleda i ocjene tehničke ispravnosti dostavljenih ponuda utvrđeno je sljedeće:

1. “DEFTER” d.o.o. Sarajevo: ponuda tehnički nezadovoljavajuća
2. “ELKOM” d.o.o. Vitez: ponuda tehnički zadovoljavajuća
3. “PRIMAPROM” d.o.o. Banja Luka: ponuda tehnički zadovoljavajuća
4. “PLANPLUS” d.o.o. Zenica: ponuda tehnički nezadovoljavajuća

**“DEFTER” d.o.o. Sarajevo – ukupna cijena bez PDV-a: 34.717,94 KM;**

Tačkom 3.4 TD traži se dostavljanje spiska i potvrda o uredno izvršenim ugovorima (da ponuđač ima uredno izvršena najmanje dva ugovora o nabavci kancelarijskog i kompjuterskog materijala čiji pojedinačni iznos nije manji od 10.000 KM bez PDV-a, u posljednje dvije godine ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od dvije godine). S tim u vezi, ponuđač je dostavio: “Listu glavnih isporuka u posljednje dvije godine, sa ukupnim vrijednosnim iznosima, datumima i primaocima” i potvrde:

- JP Željeznice Federacije BiH o uspješnoj realizaciji ugovora o isporuci kancelarijskog materijala u 2018. godini,
- Sud Bosne i Hercegovine o uspješno realizovanom ugovoru o isporuci kancelarijskog materijala u 2019. godini i
- Ministarstva unutrašnjih poslova Unsko-sanskog kantona - Obrazac potvrde o uredno izvršenom ugovoru o sukcesivnoj isporuci kancelarijskog materijala iz 2019. godine.

Takođe, pored gore navedenih potvrda, ponuđač je dostavio potvrdu Suda Bosne i Hercegovine o uspješno realizovanom ugovoru u kojoj se navodi: “Potvrđujemo da nam je

firma DEFTER d.o.o. Sarajevo, sa sjedištem na adresi Sarajevo, ulica Gatačka br. 20, uspješno **isporučila kancelarijski materijal**, prema Ugovoru o **isporuci kompjuterskog materijala** (toneri i ketridži) broj: Su-08-542/18 u ukupnoj vrijednosti od 36.738,00 KM s PDV-om, a za period od 01.01.2019. do 31.12.2019. godine sa mjestom izvršenja Sarajevo”.

Budući da se iz dostavljene potvrde ne može jasno utvrditi o kojoj vrsti ugovora se radi u konkretnom slučaju, Komisija za javne nabavke Ministarstva sigurnosti BiH je konstatovala da se ista ne može smatrati validnim dokazom koji se traži tačkom 3.4. TD iz razloga što se iz iste ne može utvrditi da li je ponuđač imao zaključen i uspješno realizovan ugovor o isporuci kompjuterskog materijala. Takođe, tačkom 3.4. TD traže se dokazi o uredno izvršena najmanje dva ugovora o nabavci kancelarijskog **i kompjuterskog materijala** čiji pojedinačni iznos nije manji od 10.000,00 KM bez PDV-a...

S tim u vezi, ponuđač je dostavio tri uredne potvrde kao dokaz o realizaciji ugovora o **isporuci samo kancelarijskog materijala**, dok nije dostavio niti jednu urednu potvrdu kojom se dokazuje realizacija ugovora o isporuci kompjuterskog materijala.

**“PLANPLUS” d.o.o. Zenica - ukupna cijena bez PDV-a: 33.116,66 KM;**

Tačkom 3.4 TD traži se dostavljanje spiska i potvrda o uredno izvršenim ugovorima (da ponuđač ima uredno izvršena najmanje dva ugovora o nabavci kancelarijskog i kompjuterskog materijala čiji pojedinačni iznos nije manji od 10.000 KM bez PDV-a, u posljednje dvije godine ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od dvije godine). S tim u vezi, ponuđač je dostavio: “Spisak realizovanih ugovora kancelarijski materijal 2018. godina” i “Spisak realizovanih ugovora kancelarijski materijal 2019. godina”, te potvrde o uspješnom realizovanim ugovorima o isporuci kancelarijskog materijala izdate od: Javnog preduzeća za prostorno planiranje i uređenje grada “Zenica” d.o.o. Zenica i Federalnog ministarstva okoliša i turizma.

Budući da se tačkom 3.4. TD traže dokazi o uredno izvršena najmanje dva ugovora o nabavci kancelarijskog **i kompjuterskog materijala** čiji pojedinačni iznos nije manji od 10.000,00 KM bez PDV-a...konstatovano je da je ponuđač dostavio dvije uredne potvrde kao dokaz o realizaciji ugovora o **isporuci samo kancelarijskog materijala**, dok nije dostavio niti jednu potvrdu kojom se dokazuje realizacija ugovora o isporuci kompjuterskog materijala.

Nakon provedenog postupka e-aukcije stekli su se uslovi za odabir najpovoljnije tehnički zadovoljavajuće ponude u predmetnom postupku, te je usvojen prijedlog Komisije za javne nabavke da se postupak dodjele Okvirnog sporazuma nastavi sa ponuđačem:

**“ELKOM” d.o.o. Vitez - ukupna cijena bez PDV-a: 34.994,00 KM**

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



**Dostaviti:**

1. "ELKOM" d.o.o. Vitez, Divijak bb, Vitez, faks: 030 717 746
2. "DEFTER" d.o.o. Sarajevo, Gatačka br. 20, Sarajevo, faks: 033 766 761
3. PRIMAPROM" d.o.o. Banja Luka, Vidovdanska bb, Banja Luka, faks: 051 212 355, 051 221 788
4. "PLANPLUS" d.o.o. Zenica, Dr. Hasana Muminagića br. 2a, Zenica, faks: 032 443 451
5. Glasnogovornik;
6. Sektoru za pravne, kadrovske, opšte i finansijsko-materijalne poslove;
7. A/a